

金匱

要略

卷五

光緒四年秋日

琴濠叟署檢

欽定四庫全書

產寶諸方

提要

案產寶諸方一卷不著撰人名氏宋史藝文志不載惟陳振孫書錄解題有之自明以來諸家書目亦罕有著錄者今檢永樂大典所載尙得七十餘方又十二月產圖一篇與振孫所記並合蓋卽宋時之原本又別有序論一首王卿月序一首皆殘缺當亦原書之佚簡也其方於保產之法頗

爲賅備而原第爲永樂大典所亂已不可
復考謹詳加釐訂以類分排首調經養血
次安胎次胎中諸病次催生次產後次雜
病仍爲一卷其中所引各方多爲後人所
承用如人參飲子一方與朱震亨所製達
生編散雖品味多寡不同而以大腹皮爲
君人參爲輔命意無異知震亨實本此而
增損之又如張元素以枳殼白朮爲束胎
丸後人以爲不宜於藜藿之軀易以白朮
黃芩相沿至今爲便產良藥而不知亦本

是書所載之枳殼湯又今時治產後血風
有所謂舉卿古拜者核其所用惟荆芥一
味卽此書之青金散蓋荆芥主治風素問
東方主風而肝屬于木平肝木卽所以助
肺金故以青金爲名後人竊用其方而又
翻切荆芥字音詭名以炫俗耳凡此類皆
可以証古今傳授之由惟所用多降氣破
血之品辛熱震動之劑則古人稟厚可受
攻伐有未可槩施於後來者此則神而明
之存乎其人矣乾隆五十年二月恭校上

原序

按產後禁忌調護之法載諸古方固非一條要以作勞爲大戒蓋百日之內筋脈未續血氣未充凡遷徙次舍換易牀榻乘虛起行理髮盥面小則貽終身之疾大則有不測之禍故遠者百日近者一月皆須極加調護毋大喜怒毋縱笑語毋極思慮務令安靜以養血氣正如新種之木根土未附一經動搖不復發生必不得已而遷徙動作猶須旬日之外爲庶幾焉世因有深山窮谷及田野之人飲食藥餌不繼甚至汲水浣兒躬自襁褓此皆平日異稟少飲而善飯故

雖氣血少耗而根本自強然不可爲常也王卿月序
大率治病先論其所主男子調其氣女人調其血氣
血人之神也不可不謹調護然婦人以血爲基本氣
血宣行其神自清所謂血室不蓄則氣和血凝結則
水火相刑月水如期謂之月信血凝成孕此乃調變
之常其血不來則因風熱傷於經血故血不通或外
感風寒內受邪熱脾胃虛弱不能飲食食既不充榮
衛抑遏肌膚黃燥面無光澤時發寒熱腹脹作痛難
于子息子藏冷熱久而勞損必挾帶下便多淋瀝忽
致崩漏經云腹中如塊忽聚忽散其病乃癥血涸不

流而搏結腹脹時作寒熱此乃成瘕或先後爽期雖
通而或多或少或寡究病之源蓋本於此

產寶諸方

產圖

月吉方位

三月壬位安產吉

丙位藏衣吉

四月庚位安產吉

甲位藏衣吉

五月丙位安產吉

丙位藏衣吉

乾天德藏衣吉

六月甲位安產吉

庚位藏衣吉

七月壬位安產吉

丙位藏衣吉

八月庚位安產吉

甲位藏衣吉

艮天德藏衣吉

九月丙位安產吉

壬位藏衣吉

十月甲位安產吉

庚位藏衣吉

十一月壬位安產吉

丙位藏衣吉

巽天德藏衣吉

十二月庚位安產吉

甲位藏衣吉

溫經湯

治女人曾經小產成帶三十六病腹脹唇

口乾日晚發熱小腹急痛手足煩熱大腸不調時泄

痢經脈不勻久不懷妊方

吳茱萸

沸湯洗三次
焙乾秤三兩

當歸

川芎

人參

白芍藥

各二兩

麥門冬

三兩半去心焙乾

桂

去皮研末

阿膠

炒白

牡丹皮

去心

甘草

炙各一兩

半夏

沸湯洗七次切焙二兩半

右爲粗末每服二錢水一盞薑五片煎至七分去

滓空心溫服忌生冷滑物

八珍散

治脾弱血虛心忪多因盜汗無力進食養

氣益衛產前後可服

白朮

人參

蓮肉

去皮心

甘草

炙各一兩

白茯苓

烏藥

白扁豆

各二兩

熟地黃

一兩半

右爲細末每服二錢水一盞薑三片大棗一個煎至七分空心服加黃耆八錢尤妙

油錢散

治婦人血風

五加皮

牡丹皮

芍藥

各半兩

當歸

羌活

各一兩

右爲末每服一錢水一盞銅錢一文蘸油入銚內煎七分溫服

千金散

治婦人赤白帶下

百草霜

一兩

龍骨

一錢

白石脂

二錢

右爲末空心溫酒調二錢

振振丸 治婦人經虛蓄冷積聚成瘕成塊月候不

調時作諸疾因而凝滯半產不實以至絕產

生地黃汁

一升

生艾汁

一升銀石器內同熬成膏

牛膝末

半兩酒浸

當歸末

一兩

乾漆

炒烟盡取末半兩

右三味爲末取一半入膏內再熬令稠入餘末和

擣丸如桐子大每服三十粒麝香溫酒下食前日

三服半月效

勝灸丹 子宮虛冷累細經年半生瘀血內泊

艾葉

二兩

吳茱萸

二兩揀淨

蒼朮

二兩剉

陳皮

二兩

右用醋三斤同浸一伏時鍋中慢火煮候爛卽入
白杵令勻如未爛時添醋以爛爲度丸如桐子大
空心溫酒飲下三十粒晚再服

羊肉地黃湯

補中益氣

生地黃

三合切

桂心

當歸

甘草

炙

川芎

人參

右㕮咀每服三錢用羊肉汁一盞煎至六分去滓
溫服空心

治中丸

治脾胃寒濕飲食不消酸心嘔逆泄利腸

腹痛

白朮

人參

白茯苓

神麴炒

麥蘖

肉桂

乾薑炮

右等分爲末蜜丸梧桐子大三十丸空心米湯下

前胡散 治脾虛心下有結氣不能服溫藥者宜服

此

半夏

湯洗七次切

陳皮

各六兩

白茯苓

前胡

枳殼

麴炒赤去瓢

甘草

炙各三兩

右爲粗末每服二錢水一盞煎至六分去滓熱服

日二三不計時此藥有氣疾即可服

增損四物湯 治損血傷氣四肢無力腿腳疼痛血

不潮心自汗膈滿

川芎

二兩

川當歸

二兩

芍藥

一兩

熟地黃

一兩

人參

一兩

麥門冬

一兩
去心

枳殼

半兩
麩炒去瓢

甘草

一分

右爲粗末每服三錢薑二片水一盞煎八分去滓

空心服

牡丹圓

婦人常服養血氣

當歸

生地黃

川芎